

Aralin 3

PEACE VOLUNTEERS: MGA SUGO NG KAPAYAPAN



Tungkol saan ang Aralin 3?

Batid natin ang isang katotohanan na marami-rami pa ring mga lugar sa ating bansa ang patuloy na naghihirap sa tindi ng kaguluhan. Bagamat may ginagawa ang ating pamahalaan sa usaping ito, hindi maitatangging hindi sapat ang pagsisikap na ito upang tuluyang matuldukan ang karahasang nangyayari.

Sa araling ito, iyong matutunghayan ang papel ng *Peace Volunteers* na tinataguriang mga sugo ng kapayapaan bilang kaagapay ng ating pamahalaan sa pagsusulong ng kapayapaan sa malalayo at liblib na lugar ng bansa. Ang kanilang karanasan, at kaalaman ay kapaki-pakinabang na impormasyon na maaaring kapulutan ng aral.

Ano-ano ang matututuhan mo sa Araling ito?

Pagkatapos mong pag-aralan ang araling ito, makakaya mo nang gawin ang sumusunod:

- nakasusulat ng isang payak na liham
- nasasabi ang mga bahagi ng liham
- natutukoy ang tamang gawain sa pakikipagkapwa
- naipaliliwanag ang kahulugan ng *Peace Volunteer* at
- nalulutas ang suliraning may kinalaman sa pagkuha ng kabuuang halaga ng pera

Ano-ano na ang alam mo sa araling ito?

A. Punan ng tamang sagot ang sumusunod. Letra lamang ang isulat sa sagutang papel.

- _____ 1. Bahagi ng liham na naglalaman ng tirahan at petsa ng pagkasulat.
 - a. lagda
 - b. pamuhatan
 - c. bating-pangwakas

- _____ 2. Itinuturing na mga sugo ng kapayapaan
 - a. peace negotiator
 - b. peace talkers
 - c. peace volunteers

- _____ 3. Nagtataglay ng mga detalye na nais iparating ng nagpapadala sa pinapagdalhan.
 - a. katawan ng impormasyon
 - b. katawan ng liham
 - c. katawan ng ideya

- _____ 4. Kailan ipinagdiriwang ang “International Day of Peace”?
- a. Setyembre 21
 - b. Setyembre 22
 - c. Setyembre 23
- _____ 5. Kung binabalitaan mo ang iyong kaibigan tungkol sa mga nangyayari sa iyo, anong uri ng liham ang iyong gagawin?
- a. liham na humihingi ng pahintulot
 - b. liham pangkalakalan
 - c. liham pangkaibigan

B. Isulat sa sagutang papel ang tsek (✓) kung ang sumusunod ay tumutukoy sa gawain ng isang *Peace Volunteer*, ekis (✗) naman kung hindi.

- _____ 1. Namumuno ng pag-aalsa
- _____ 2. Nakikibahagi sa mga pagkilos sa pagsusulong ng usaping pangkapayapaan.
- _____ 3. Nakikipag-alyansa sa ibang mga samahan.
- _____ 4. Nagsasanay ng mga kabataan

- _____ 5. Nagsasagawa ng mga peace dialogue
- _____ 6. Nag-oorganisa ng mga pagtitipon sa mga baranggay.
- _____ 7. Nagsasanay ng mga kabataan upang lumaban sa kinauukulan.
- _____ 8. Nangongolekta ng 'revolutionary fee' sa mga negosyante para pantustos sa mga gawain.
- _____ 9. Nagpapatupad ng mga panlipunang proyekto.
- _____ 10. Nakikipag-ugnayan sa iba't ibang sektor.

C. Kunin ang kabuuan ng sumusunod:

1.	7.35	2.	8.20	3.	2.00
	20.75		33.75		78.85
	<u>135.50</u>		<u>845.00</u>		<u>548.05</u>

Isangguni sa pahina 67 ang sagot.



Pag-usapan Natin





Basahin Natin

Basahin ang liham at sagutin ang gawain sa ibaba.

Malo-ong, San Jose
Lamitan, Basilan Province
Hunyo 30, 2011

Mahal kong Itay, Inay, at Isko,

Kumusta po kayong lahat diyan? Maayos naman po ako rito, bagamat palaging abala sa trabaho.

Marami na po akong kaibigan dito na kapwa Peace Volunteers na taga-rito. Mayroong Muslim, Lumad at kapareho kong Kristiyano. Tulad ko, masigasig din silang nagtatrabaho upang isulong ang kapayapaan sa lugar nila. Nag-oorganisa po kami ng mga pagtitipon, nagsasanay ng mga kabataan at nagpapatupad ng iba't ibang proyekto.

Wala po akong problema sa mga kasama ko kahit magkaiba kami ng kultura, paniniwala at kaugalian. Nirerespeto namin ang bawat isa. Pinag-aaralan din namin ang kanya-kanyang kaugalian upang lubos na magkaunawaan. Higit sa lahat, buong-buo po ang tiwala namin sa isa't isa.

Itay, Inay, may ipinadala nga po pala akong pera para sa inyo at kay Isko. P3,000 po para sa iyo Itay, P7,250 po para sa iyo Inay at P1,500 para kay Isko. Kunin n'yo lang po sa bangko dalawang araw mula ngayon.

Hanggang dito na lang po. Pagpalain nawa tayo ng Poong Maykapal.

Nagmamahal,

Henry



Isulat Natin

A. Tukuyin ang mga bahagi ng liham.

① _____,

_____. ⑤ _____
_____.

② _____

① _____

1. _____
2. _____
3. _____
4. _____
5. _____

B. Ibigay ang bahagi ng liham na inilalarawan ng bawat pangungusap.

a. Nagsasaad ng tirahan ng nagpapadala at petsa ng pagsulat.

b. Naglalaman ng mensahe o impormasyon na nais iparating ng nagpapadala sa tagatanggap ng liham.

c. Pirma ng nagpapadala.

d. Nagpapahayag ng pagbati sa pinadadalhan ng liham.

e. Karaniwang ginagamit sa pagtatapos ng liham.



Alamin Natin

- A. Tuwing ika-21 araw ng Setyembre, ginugunita ng buong mundo ang “International Day of Peace”.

Ito ay itinadhana ng United Nations General Assembly Resolutions No. 3667 na ginawa noong 1981 at ipinatupad noong 1982.

- B. May iba’t ibang uri ng liham. Ito ay ang sumusunod:

- | | |
|-----------------------------------|------------------------------------|
| 1. Liham Pangkaibigan | 7. Liham ng Pagrerekomenda |
| 2. Liham Paanyaya | 8. Liham ng Pagbibigay Abiso |
| 3. Liham Pasasalamat | 9. Liham ng Pagpapaabot ng Reklamo |
| 4. Liham ng Pakikiramay | 10. Liham Pangkalakalan |
| 5. Liham ng Paumanhin | 11. Liham ng Naghahanap ng Trabaho |
| 6. Liham ng Paghingi
ng Tulong | |



Pag-isipan Natin

Awit.

Ang Bayan Kong Sinilangan

*Ako ay isinilang sa bayan ng Cotabato
Kasinggulo ng tao, Kasinggulo ng mundo
Prinsipyo mo'y igagalang ko
Kung ako'y iyong nirespeto
Kung nagtulungan kayo
Di sana magulo ang bayan ko*

*Ang bayan ko sa Cotabato
Kasing gulo ng isip ko
Di alam saan nanggaling
Di alam saan patungo
Sila-sila ay naglalaban
Di ko alam ang dahilan ng gulo*

Koro

*Sa bayan kong sinilangan
Sa Timog Cotabato
Ako ay namulat sa napakalaking gulo
Dahil walang respeto sa prinsipyo ng
Kapwa tao
Kapwa Pilipino ay pinapahirapan nyo
Ang gulo*

*Bakit nagkaganoon ang sagot sa tanong ko
Bakit kayo nag-aaway
Bakit kayo nagkagulo
Kung magtulungan kayo
Di sana magulo ang bayan ko
(Balik Koro)*



Kwentahin Natin

Si Henry ay gumawa ng liham sa paghingi ng tulong sa tatlong organisasyon. Sa kanyang liham, humihingi siya ng tulong pinansiyal upang maibigay sa mga kapatid na Muslim na naapektuhan ng bagyo. Sa kabutihang palad, marami ang nagkaloob ng tulong.

Kwentahin natin ang kabuuang halaga na kanyang nalikom.

A. Ibigay ang kabuuang halaga ng sumusunod:

Organisasyon 1

Php 135.25
10.00
+ 7.35
<u>5.00</u>

Organisasyon 2

Php 1,895.50
982.00
+ 37.50
<u>9.90</u>

Organisasyon 3

Php 800.75
92.00
+ 27.25
<u>5.50</u>

Isangguni sa pahina 67 ang sagot.



Tandaan Natin

1. May limang (5) bahagi ang liham. Ito ay ang sumusunod:
 - a. Pamuhatan
 - b. Bating Panimula
 - c. Katawan ng Liham
 - d. Bating Pangwakas
 - e. Lagda
2. Ang isang *Peace Volunteer* ay nagtataglay ng sumusunod na katangian:
 - a. May tamang pag-uugali sa paglilingkod sa kapwa
 - b. May kakayahang makipagtalastasan at makapagpahayag
 - c. May pagkukusa at pagmamahal sa kapwa
 - d. Magaling makisama at magmalasakit
 - e. Naniniwala at isinasabuhay ang kahalagahan ng kapayapaan
3. Sa pagkuha ng kabuuang halaga ng pera, ihanay sa tamang lugar ang mga bilang ng digit. Ipagsama sa magkaparehong hanay ang halaga ng sentimo gayundin ang grupo ng mga piso.

Alamin ninyo ang inyong natututuhan

- A. Sumulat ng isang liham pangkaibigan gamit ang pormang napag-aralan. Ibalita ang inyong mga natutuhan sa araling ito sa taong inyong padadalhan.
- B. Basahin ang talata sa kahon. Sagutin ang tanong sa ibaba.

Inatasan si Omar, isang *Peace Volunteer*, na ilista ang lahat ng nagastos sa pagbili ng mga kagamitan para sa gagawing Peace Forum sa kanilang baranggay. Bond paper – Php 175.00, lapis – Php 95.25, papel – Php 50.00, Ballpen – Php 29.95, Pandikit – Php 7.55, Kartolina – Php 50.00.

Magkano ang lahat na kanyang nagastos?

Tingnan sa pahina 68 ang sagot.

Susi ng Pagwawasto

Pre-test

Ano-ano na ang alam mo sa modyul na ito?

- A. 1. d 3. c 5. b 7. 9 9. c
2. a 4. d 6. a 8. c 10. a
- B. Ano : Pagpupulong
Saan : Barangay Hall, Sitio Pundakit
Kailan : September 15, 2006
Sino : Mga Pinuno ng Simbahan
- C. 1. Honorable 2. Sister 3. Hadji
- D. Si Hadji Omar Suhud ay isa sa mga pinunong Muslim na aktibong nagsusulong ng kapayapaan sa kanilang barangay sa Pamukalen. Katulong niya ang kanyang kaibigang Kristiyano na si G. Nestor Rosales na kasapi ng Couples for Christ. Kabilang sa kanilang mga ginagawa ay ang pag-oorganisa ng mga “Interfaith Dialogue”, “Peace Rally” at pagsasanay ng mga “Peace Volunteers”.

- E. 1. 9:45 AM - oras ng pagtapos
– 9:25 AM - oras ng pagsimula
20 - minuto ang itinagal ng pagsasalita
2. 341 - populasyon
– 97 - bilang ng taong sangkot sa karahasan
244 - bilang ng tao na walang kinalaman
- F. 1. Sabado
2. Martes at Biyernes
3. 248

Aralin 1 Ang Kaguluhan sa Sitio Pundakit

Paunang Pagsubok *pahina 3-5*

- A. 1. e 3. f 5. b 7. d 9. g
 2. h 4. j 6. c 8. i 10. a

- B. Ano : Youth Encampment
 Saan : Plaza ng Barangay Malo-ong, San Jose
 Kailan : Hunyo 21-25, 2007
 Sino : Mga kabataan ng bayan

- C. a. 2:00 am
 b. 5:30 PM
 c. 3:00 PM

Sagutin Natin *pahina 13*

Hanay A

1. e 3. c 5. b
2. d 4. a

Sagutin Natin *pahina 18*

1. Mga kaugaliang Kristiyano
 - a. Pagdiriwang ng Pista
 - b. Pagdiriwang ng Mahal na Araw
 - c. Pagdiriwang ng Pasko
2. Mga kaugaliang Muslim
 - a. Pagbibigay ng dote
 - b. Pag-aasawa ng higit isa
 - c. Pagdarasal ng limang beses sa isang araw
3. Mga kaugaliang Katutubo o Lumad
 - a. Pagsasamba sa mga anito
 - b. Pagpapatotoo sa katawan
 - c. Pagsusuot ng bahag at mga katutubong damit.

Sagutin Natin

- A. Ano : Kaguluhan
Saan : Palengke, Sito Pundakit
Kailan : Biyernes
Sino : Tribong Bisaya at Yakan

B. Hanay A

- | | | |
|------|------|------|
| 1. e | 3. c | 5. b |
| 2. d | 4. a | |

Alamin Natin *pahina 20*

A. Dugtungan

- B. 1. 5:00 am
2. 12:00 hn
3. 3:00 pm

Aralin 2 “Interfaith Dialogue”

Paunang Pagsubok

- A. 1. a 2. c 3. a 4. c 5. c
- B. 1. Hji 2. Msgr. 3. Bro.
- C. 1. Pari
2. Ustadz at Madre
3. 46

Gawin Natin

1. Pagtitipon
2. Iba't ibang pangkat panrelihiyon
3. Pag-uusap/Pagkakasundo
4. Makabuo ng solusyon sa suliranin

Sulatin Natin *pahina 34*

Pangalan	Katungkulan	Daglat ng katungkulan	Relihiyon/sector na kinakatawan
1. Jessie Rodriguez	Pari	Fr.	Katoliko
2. Rolly Ejada	Pastor	Ptr.	Protestante
3. Wahid Uddin	Ustadz	Ustz.	Islam
4. Gammar Alih	Honorable	Hon.	Pamahalaan
5. Ingka Madela	Pinuno		Pambaranggay Lumad

Kwentahin Natin *pahina 38*


- Jehova
- Born Again at Adventist
- 17,818
- Babtist

Alamin ninyo ang inyong natutuhan

- A. Palaisipan
- B.
1. Natutuhan ko ang kahulugan ng salitang “Interfaith Dialogue” at kahalagahan nito sa pagsulong ng kapayapaan.
 2. Naintindihan ko na ang ibig sabihin ng daglat.
 3. Naunawaan ko na ang gamit ng talaan sa pagpapaliwanag ng mga datos.

Sagutin Natin *pahina 40*

- A.
1. Ginang
 2. Father
 3. Ustadz
 4. Honorable



Aralin 3 Peace Volunteers: Mga Sugo ng Kapayapaan

Paunang Pagsubok *pahina 47-49*

- | | | | | | | | | | | |
|----|----|---|----|----|---|-----|---|----|----|------------|
| A. | 1. | b | B. | 1. | ✗ | 6. | ✗ | C. | 1. | Php 163.60 |
| | 2. | c | | 2. | ✓ | 7. | ✗ | | 2. | Php 886.95 |
| | 3. | b | | 3. | ✓ | 8. | ✗ | | 3. | Php 628.90 |
| | 4. | a | | 4. | ✓ | 9. | ✓ | | | |
| | 5. | c | | 5. | ✓ | 10. | ✓ | | | |

Isulat Natin *pahina 52-53*

- | | | | | | | |
|----|----|------------------|----|-----------|----|------------------|
| A. | 1. | Bating Panimula | 3. | Pamuhatan | 5. | Katawan ng Liham |
| | 2. | Bating Pangwakas | 4. | Lagda | | |
| B. | 1. | Pamuhatan | | | | |
| | 2. | Katawan ng Liham | | | | |
| | 3. | Lagda | | | | |
| | 4. | Bating Panimula | | | | |
| | 5. | Bating Pangwakas | | | | |

Kwentahin Natin *pahina 56*

- A. 1. Php 157.60
2. Php 2,924.90
3. Php 925.50

Alamin ninyo ang inyong natutuhan *pahina 58*

- | | |
|---------------|--------------|
| 1. Bond paper | Php 175.00 |
| 2. lapis | 95.25 |
| 3. Papel | 50.00 |
| 4. Ballpen | 29.95 |
| 5. pandikit | 7.55 |
| 6. Kartolina | <u>50.00</u> |
| | Php 377.75 |